



23. juli 2013

UKA 2013/79

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**EU-p naatsorsuutitut malitassiaa Folketing-imit atortuulersinneqarlunilu akuersisutigineqareerpat, danskit ukiumut naatsorsuusiortarneq pillugu inatsisaat Kunngip peqqusineratigut Kalaallit Nunaanni aamma atortuulersinneqarnissaa siunertaralugu Naalakkersuisut naalagaaffimmut saaffiginnissuteqaqqullugit Inatsisartut aalajangiiffigisassaattut siunnersuut.**

(Inatsisartunut ilaasortaqa Sara Olsvig, Inuit Ataqatigiit)

### **Tunngavilersuut:**

Qularutissaanngilaq suliffissuaqarfitsigut ineriartortitsineq naalakkersuinikkut ammasumik ingerlatsinissamut annertuumik akisussaaffiliimmat. Peqatigitillugulu ingerlatseqatigiiffiit ammasuunissamik nalunaaruteqartarnissamullu pisussaaffitsigut nunani tamalaani isumaqatigiissutit pitsaanerpaat malittassagaat ilannguffigissallugu qulakkiigassaraarput.

Inuit Ataqatigiinniit Kalaallit Nunaata Extractive Industries Transparency Initiative, EITI-mi tapersersuisutut ilaasortaanissaa qulakkeersimavarput. EITI-mili naatsorsuutit tamakkiisut pineqanngillat, taannatuaanngilarlu ingerlatseqatigiiffiit angisuut nakkutigineqarnissaannik periarfissaasq.

EU-Parlamentimi EU-mi naatsorsuutitut tunngatillugu malitassiaq nutaaq nunakkaartumik nalunaaruteqarnertigut naatsorsuutit tamakkiisunik saqqummiisarnissamut nakkutigineqarnissamullu qulakkeerinnittusaaq maanna akuersissutigineqareerpoq. Nunakkaartumik nalunaaruteqartalernerup kingunerivaa, suliffeqarfiit nunani arlalinni ingerlataqartut, tassunga ilaallutik suliffeqarfissuit nunani tamalaani ingerlatsiveqartitertut, maanna nunani ataasiakkaani ingerlatsivigisaqarfigisaminnit naatsorsuutit pillugit paasissutissiisarnissaaq pisussaaffigilermassuk. Pinngortitap pisuussutaannik suliffeqarfiit atuisinnaatitaanermittut atatillugu aningaasanik nunamiit nunamut ingerlaartitsinerat saqqumisuussasooq ilaatigut malitassioortitsinikkut anguniarneqarpoq.

Danskit inuussutissarsiutitut ministeriat naapertorlugu EU-p naatsorsuutitut malitassiaa taanna EITI-mit suli sakkortuneruvoq, ministeri naapertorlugu EITI-mi akileraarutit akitsuutillu kisimik pineqarmata, naatsorsuutit tamakkiisut pineqarnatik.

Aprilimi Folketingimi samrådeqartitsinermi danskit inuussutissarsiutitut ministeriata erseqqissarpaa, ukiumut naatsorsuusiortarneq pillugu inatsit Danmarkimi akuersissutigineqareerpat kunngikkormiut peqqussutaasigut Kalaallit Nunaat EU-p naatsorsuutitut malitassiaanut ilanngutitinneqarsinnaassasooq. EU-mi naalagaaffiit pisussaaffigivaat 2015 nallertinnagu namminneq nunaminni naatsorsuutitut malitassiaq aamma atortussanngortereersimassagaat.

Kalaallit Nunaat EU-p naatsorsuutitut malitassiaanut ilanngutitinneqassappat taamaalilluni ingerlatseqatigiiffiit piiiassut Kalaallit Nunaanni nalunaarsorsimasut, aatsitassanullu inatsit naapertorlugu aatsitassarsiortut tamarmik nalunaarsorsimasussatitaasut, nunani tamani ingerlassaqarfimmini ilaatigut akileraarutiminnut tunngasunik nalunaaruteqartarnissamut pisussaaffeqalissapput.

EU-p naatsorsuutitut malitassiaa EITI-miit annertunerussappat taanna toqqassavarput – peqatigitillugulu marloqiusamik nalunaarusiornerit pisariutitsisut pinngitsoortissavagut.

**Pisortani aningaasatigut allaffissornikkullu kingunissai**

Kunngip peqqussutaa atortuulersinneqarpat Namminersorlutik Oqartussanut aningaasatigut nammakkersuutaassasoq naatsorsuutigineqanngilaq.

**Namminersortuni aningaasatigut allaffissornikkullu kingunissai**

Ukiumut naatsorsuusiortarneq pillugu inatsit ullutsinnut naleqqussarneqarnissaa akuersissutigineqarpat suliffeqarfiit Kalaallit Nunaanneersut tamanna tapersissagaat ilima-naateqarpoq. Tamanna kalaallit suliffeqarfiutaasa Danmark-imi immikkoortortaqaqartut ukiumoortumik naatsorsuutitik suliarileraangamikkut maleruagassanik assigiissarneqar-simasunik najoqqutassaqaarusunnerannik tunngaveqarpoq.

**Innuttaasuni aningaasatigut allaffissornikkullu kingunissai**

Siunnersuut innuttaasunut aningaasatigut kingunerlussasoq naatsorsuutigineqanngilaq.